



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**L. Annæi Senecæ Philosophi Opera, Qvæ Exstant Omnia**

**Seneca, Lucius Annaeus <Philosophus>**

**Antverpiæ, 1605**

M. Antonii Mvreti Ad Librvm Tertivm Natvralivm Senecæ Qvæstionvm,  
Notæ.

[urn:nbn:de:hbz:466:1-53700](https://nbn-resolving.org/urn:nbn:de:hbz:466:1-53700)

M. ANTONII MURETI<sup>A</sup>  
AD LIBRUM TERTIUM  
NATURALIUM SENECÆ  
QUESTIONVM, NOTÆ.



AD PROOEMIUM. 1. DEVS  
ALIA EXALTAT, ALIA SVBMITTIT.]  
Hoc Aesopus quasi proprium Dei opus esse  
respondit. Et notum est illud Hesiodi,

Ρέα μὲρ γὰρ βελίασι, ρέα δὲ βελιάοντα χαλεπήει,  
Ρέα δ' ἀρίηλον μινύθει, καὶ ἀδῆλον ἀέξει  
Ζῆος ὑψιφρεμέτης, ὅς ὁ πῆρτατα δ' αἵματα ναίει.

AD CAP. II. 2. AVT STANT OMNES  
AQVAE, AVT FLVNT, AVT COLLIGVNTVR.]  
Prima divisio aquarum. Τῶν ὕδατων τὰ μὲρ τὰσι-  
μα, τὰ δὲ ρυτὰ, τὰ δὲ συλλογιαία.

3. QVÆDAM HAYSTÆ FOECVNDITATEM  
ADFERVNT.] Theophrastus libro IX. περὶ φυτῶν,  
Εἰαχοῦ μὲρ γὰρ φασὶ τὸ ὕδωρ παιδόγονον εἶναι γυ-  
ναϊκῆν, ὡς αἴτιον καὶ ἐν Θεσπιαίς, εἰαχοῦ δὲ ἀγρον ὡς  
ἐν Πυρᾷ. Plinius libro XXI. Thespiarum fons  
conceptus mulieribus representat. Item in Arca-  
diâ flumen Elatum. Cultodit autem partum Li-  
nus fons in eadem Arcadiâ, abortusque fieri non  
patitur. E diverso in Pyrâ flumen quod Aphro-  
disium vocant, sterilis facit. Solinus in capite de  
Siciliâ: Ibi & fontes duo. Alterum si sterilis sum-  
pserit, fecunda fiet: alterum si fecunda hauserit,  
vertitur in sterilitatem.

AD CAP. V. 4. QVIDAM IVDICANT.]  
De causâ & origine fluviorum ac fontium videndus  
Aristoteles cap. XIII. libri I. Meteorologicon.

AD CAP. X. 5. FIVNT OMNIA EX OM-  
NIBVS.] Vide eundem Aristotelem capite quarto  
libri II. περὶ γενέσεως καὶ φθορᾶς.

6. OMNIA IN OMNIBVS SVNT.] Vetus di-  
ctum Anaxagoræ, πᾶν ἐν παντὶ μέμνεται.

AD CAP. XI. 7. IN CORICO MONTE.]  
Plinius, In Coryco monte amnis erupit, post-  
quam cœptus est coli.

8. HÆMVS.] Hac de re ita idem Plinius: Na-  
scuntur fontes decilis plerumque filius, quos ar-  
borum alimenta consumebant: sicut in Hæmo,  
obsidente Gallos Cassandro, cum valli gratiâ fil-  
ias cecidissent.

9. IDEM AIT CIRCA ARCADIAM.] Plinius:  
Et coli moueriq; terram, callumque summæ cu-  
tis solui, aquarum interest. Proditur certe in Cre-  
tâ expugnato oppido, quod vocabatur Arcadia,  
cessasse fontes, amneq; qui in eo situ multi erant.  
Rursus condito, post sex annos emeruisse, vti que-  
que cœpissent partes coli.

AD CAP. XIII. 10. AQVA, AIT THA-  
LES.] Aquam principium rerum omnium esse

tradiiit Thales, ut auctor est Aristoteles libro primo  
maiore ἧς μετὰ τὰ φυσικὰ. Eandem putabant  
fuisse sententiam vetustissimorum poetarum, quos il-  
li Theologos vocabant. Nam & eodem respexisse Ho-  
merum illo versu,

Ὠκεανὸν τε θεῶν γένεσιν, καὶ μετέα Τηθύσιν.  
& cum Odysseas ἦ, Neptunum ab Ione ipso vocari  
facit deorum antiquissimum & optimum.

AD CAP. XV. 11. SED HOC AMPLIVS  
CENSEO.] Senatorium loquendi genus: cum qui  
sententiam dicturus erat, probabat quidem que ab  
aliis dicta erant, sed addebat aliquid etiam de suo.

AD CAP. XVI. 12. SED QVARE QVI-  
DAM FONTES SENIS HORIS PLENI, SENISQVE  
SICCI SVNT?] Huic simile quiddam de Dodoneo  
fonte scriptum reliquit Plinius libro II. Meridie,  
inquit, semper deficit: quâ de causâ anapaume-  
non vocant. Mox increfescens ad medium noctis  
exuberat: ab eo rursus sensim deficit. Paulo post  
addit, fontes esse calidos contra Timanum amnem,  
qui pariter cum aestu maris crescant, minuunturve.  
Vide que de fonte Comensi scribit Plinius Cæcilianus  
epistolâ ultimâ libri quarti: que eadem & Plinius  
auunculus, sed breuius, tradiderat.

13. ET IN AQVIS TORPENTIBVS SITV.]  
Male in aliis libris, facta.

14. SVBTERRANEI MYRES.] Ita veteres libri,  
non, ut alij, vermes.

15. INDE, VT THEOPHRASTVS AFFIRMAT,  
PISCES QVIBVS DAM LOCIS ERVNTVR.] Hunc  
ipsum, ut opinor, Theophrasti locum citat Athenæus  
principio libri octavi, Plinius etiam copiosius capite  
LVII. libri noni.

AD CAP. XVII. 16. IN MARI VENE-  
TVR.] Multò hæc scriptura melior, quàm illa vul-  
gata, in man versetur.

17. VITREIS OLLIS INCLVSI OFFERVN-  
TVR.] De his ipsis deliciis vide que scribit Plinius  
libro nono.

AD CAP. XVIII. 18. IS PRO PVTRI-  
DO.] Totus hic locus quanto melius in veteribus,  
quàm in vulgatis libris legatur, cupio ex collatione  
cognosci. Ita enim scriptum est in illis: Is pro putri-  
do iam piscis est, qui hodie eductus, & cetera, &  
paullò post: Vt gustare possint, nisi quem. Vox pi-  
scem redundat. de nullo enim tantum loquitur.

AD CAP. XIX. 19. IN CARIÀ CIRCA  
LORVMA VRBEM.] Ita iam pridem legendum  
docuit

